

大德重校聖濟總錄卷第一百九十三

鍼灸門

治欬嗽灸刺法

治諸氣灸法

治唾血嘔血灸刺法

治吐血灸法

治癥瘕灸法

治腳氣灸法

治水腫灸刺法

治嘔吐灸法

治噦灸法

治水飲不消灸刺法

治骨蒸灸法

治目疾灸刺法

治耳疾灸刺法

治鼻疾灸刺法

治口齒灸刺

治失欠灸法

治欬嗽灸刺法

內經治欬之法治藏者治其膻治府者治其合浮腫者治其經以穴故之各有定處諸欬而喘息有音甚則唾血者大淵主之浮腫則治在經渠欬而兩脇下痛不可轉者太衝主之浮腫則治在中封欬而右肘下痛陰陰引肩背甚則不可動者太白血之浮腫則治在商丘欬而腰背相引痛甚則欬涎者太谿主之浮腫則治在復溜欬而心痛喉中介介如鯁甚則咽腫喉痹者神門主之浮腫則治在靈道欬而遺失者曲池主之浮腫則治在陽谿欬而失氣者小海主之浮腫則治在陽谷欬而

遺溺者委中主之浮腫則治在崑崙欬而嘔甚則長  
蠱出者三里主之浮腫則治在解谿欬而嘔苦汗者陽  
陵泉主之浮腫則治在陽輔久欬不已欬而腹滿者天  
井主之浮腫則治在支溝凡此五藏六府之欬治之常  
也脗合之外別有遺法附之于後云

上氣欬嗽短氣氣滿食不下灸肺募五十壯

上氣欬逆短氣風勞百病灸肩井二百壯

上氣短氣欬逆胸背痛灸風門熱府百壯

上氣欬逆短氣胸滿多唾冷痰灸肺膈五十壯

上氣氣閉欬逆咽冷聲破灸天突五十壯一名天瞿

上氣胸滿短氣欬逆灸雲門五十壯

上氣欬逆胸痺背痛灸胸堂百壯

上氣欬逆胸滿短氣牽背痛灸巨闕期門各五十壯

逆氣虛勞寒損憂悲筋骨攣痛欬逆泄注腹滿喉痺頸  
項強腸痔逆氣痔而陰急鼻衄骨痛大小便澀鼻中乾  
煩滿狂走凡此諸病皆灸絕骨五十壯穴在內踝上三  
寸宛宛中

上氣欬逆灸臆中三壯穴在兩乳間甲乙經云一名元

兒在玉堂下一寸六分直乳兩間陷中任脈氣所發炷

如半棗核大

上氣灸三里二穴甲乙經云在膝下三寸胛外廉足陽明脉之所入也各灸三壯外臺祕要云人年三十以上若不灸三里穴令人氣上兩眼昏暗三里所以下氣也欬嗽灸心膻穴甲乙經云在背第五節下兩邊各一寸半各灸五壯炷如半棗核大

嗽灸手屈臂中有橫紋外骨捻頭得痛處十四壯

嗽灸兩乳下黑白際各百壯

又以蒲當乳頭周匝圍身令前後正平當脊骨解中灸十壯

又以繩橫量口中折繩從脊灸繩兩頭各八十壯三報

之三日畢

又灸從大領數下行第五節下第六節上穴在中間隨

年壯并主上氣此即神道穴

治諸氣灸法

中腕穴一名太倉胃募也在上腕下一寸居蔽骨與臍

中灸一七壯主五藏積聚氣甲乙經云手太陽少陽足

陽明所生任脉之會結氣囊裏鍼藥所不及灸育募隨

年壯育募二穴從孔頭斜度至臍中屈去半從乳下行

度頭是穴下氣灸肺膈百壯又灸太衝五十壯

凡臍下疔痛流入陰中發作無時此冷氣灸關元百壯

穴在臍下三寸

又鹽灸臍孔中二七壯

短氣不得語灸天井百壯穴在肘後兩筋間

又灸大領隨年壯

又灸肺膈百壯

又灸肝膈百壯

又灸尺澤百壯

又灸小指第四指間交脈上七壯

又灸手十指頭合十壯

乏氣灸第五領下隨年壯

奔豚灸氣海百壯穴在臍下一寸半

又灸關元百壯穴在臍下三寸

奔豚搶心不得息灸中極五十壯中極一名玉泉在臍下四寸

奔豚上下腹中與腰相引痛灸中府百壯穴在乳上三

肋間

奔豚灸期門百壯穴直兩乳下第二助端傍一寸五分

奔豚上下灸四滿二七壯穴俠丹田兩傍相去三寸即

心下八寸臍下橫紋是也

奔豚腹腫灸章門百壯章門一名長平二穴在大橫外

直臍李肋端

凡肺風氣痿絕四肢滿脹喘逆胸滿灸肺膈各二壯肺  
膈對乳引繩度之在第三傾下兩傍相去各一寸五分  
嘔吐上氣灸尺澤不三則七壯尺澤在腕後肘中橫紋  
腹中雷鳴相逐食不化逆氣灸上腕下一寸名太倉七  
壯

肺脹氣搶脇下熱痛灸陰都隨年壯穴在俠胃腕兩邊  
相去一寸胃腕在心下三寸

治唾血嘔血灸刺法

肝庫房穴在氣戶下一寸六分陷者中仰而取之主唾

血甲乙經云足陽明脈氣所發灸一七壯

嘔血肩脇痛口乾心痛與背相引不可欬欬引腎痛不  
容主之

唾血振寒盛乾太淵主之

嘔血大陵及却門主之

嘔血上氣神門主之

心膈下嘔血上腕土之

曲澤穴在肘內廉下陷者中屈肘得之各灸七壯主嘔  
血兼心痛血出甲乙經云手心主脈之所入也

內傷唾血不足外無膏澤刺地五會

治吐血灸法

吐血灸巨闕穴在鳩尾下一寸甲乙經云心募也任脉氣所發灸七壯炷不必大筋頭爲之吐血唾血上氣欬逆灸肺膈隨年壯

吐血瘦削灸肝膈百壯

吐血嘔逆灸手心主五十壯千金翼云太陰是

虛勞吐血灸胃腕三百壯亦主嘔逆吐血少食多飽多

唾百病多唾一作多唾

吐血唾血灸胸堂百壯不宜鍼

吐血腹痛雷鳴灸天樞百壯

治癥瘕灸法

三焦膈二穴在第十三頰下兩邊各一寸半主癥瘕甲

乙經云足太陽脉氣所發各灸七壯癥瘕灸內踝後宛

宛中隨年壯又灸氣海百壯久冷及婦人癥瘕腸鳴泄

利適臍疔痛灸天樞百壯三報之勿鍼穴在俠臍兩邊

各二寸積聚堅滿灸脾募百壯穴在章門季肋端心下

堅積聚冷脹灸上腕百壯三報之穴在巨闕下一寸

胸滿腹脹積聚痞痛灸肝膈百壯三報

積聚堅大如盤冷脹灸胃腕二百壯三報之穴在巨闕

下二寸

中極主少腹積聚堅如石小腹滿  
臧府積聚脹滿羸瘦不能飲食灸三焦膈隨年壯

治腳氣灸法

凡腳氣初得脚弱宜速灸之并服竹瀝湯灸訖可服八  
風散無不差者惟速治之若人但灸而不能服散服散  
而不灸如此者半差半死雖得差者或至一二年復更  
發動覺得便依此法速灸之及服散者治十十愈

初灸風市

次灸伏兔

次灸犢鼻

次灸膝兩眼

次灸三里

次灸上廉

次灸下廉

次灸絕骨

凡灸八處第一風市穴可令病人起正身平立垂兩臂  
直下舒十指掩著兩髀便點當手中央指頭髀大筋上  
是灸之百壯多亦佳輕者不可減百壯重者乃至一處  
五六百壯勿令頓灸三報之佳第二伏兔穴令病人累  
夫端坐以病人手夫掩橫膝上夫下傍與曲膝頭齊上  
傍側夫際當中央是灸百壯亦可五十壯第三犢鼻穴  
在膝頭蓋骨上際外骨邊平處以手按之得節解則是  
一云在膝頭下近外三骨箕踵中動脚以手按之得窟  
解是灸之五十壯可至百壯第四膝眼穴在膝頭骨下

兩傍陷者宛宛中是第五三里穴在膝頭骨節下一夫  
附脛骨外是一云在膝頭骨節下三寸人長短大小當  
以病人手夫度取灸之百壯第六上廉穴在三里下一  
夫亦附脛骨外是灸之百壯第七下廉穴在上廉下一  
夫一云附脛骨外是灸之百壯第八絕骨穴在脚外踝  
上一夫亦云四寸是凡此諸穴灸不必一頓灸盡壯數  
可日日報灸之三日之中灸令盡壯數為佳凡病一脚  
則灸一脚病兩脚則灸兩脚凡脚弱病皆多兩脚又一  
方云如覺脚惡便灸三里及絕骨各一處兩脚惡者合  
四處灸之多少隨病輕重大要雖輕不可減百壯不差

速以次灸之多多益佳一說灸絕骨最要人有患此脚  
弱不即治及入腹腹大土氣於是乃須大法灸隨諸論  
及諸腕關節腹背盡灸之并服八風散往往得差覺病  
入腹若病人不堪痛不能盡作大灸但灸胸心腹諸穴  
及兩脚諸穴亦有得好差者凡量一夫之法覆手併舒  
四指對度四指土中節上橫過為一夫夫有兩種有三  
指為一夫者此脚弱灸以四指為一夫也亦依支法存  
舊法梁丘犢鼻三里上廉下廉解谿太衝陽陵泉地骨  
崑崙陰陵泉三陰交足太陰復溜然谷涌泉承山東骨  
等凡十八穴舊法多灸百會風府五藏六府膈募項

來灸者悉覺引氣向上所以不取其法氣不上者可用之其要病已成恐不救者悉須灸之其足十指去指奇一分兩足凡八穴曹氏名曰八衝極下氣有效其足十指端名曰氣端日灸三壯並大神要其八衝可日灸七壯氣下卽止凡灸八衝艾炷須小作之

治水腫灸刺法

黃帝治水之踰五十七處尻上五行行五謂腎踰五十七穴積陰之所聚也水所從出入也尻上五行行五者此腎踰故水病下爲胛腫大腹上爲喘呼不得臥者標本俱病故肺爲喘呼腎爲水腫肺爲逆不得臥分爲相

輪俱受者水氣之所留也伏兔上各二行行五者此腎之街也三陰之所交結於脚也踝上各一行行六者此腎脉之下行也名曰太衝凡五十七穴者背藏之陰絡水之所客也身脹逆息不得臥風汗身腫喘息多唾天府主之

四肢腫身濕豐隆主之

風逆四肢腫復留主之

身腫皮痛不可近衣屋翳主之

水腫臚脹食飲不下惡寒胃倉主之

水腫腸鳴胃虛脹不嗜食繞臍痛衝胸不得息者水分

主之穴在下腕下一寸神闕上一寸任脉氣所發甄權  
云日灸七壯至四百壯止水通身腫灸足第二一指上一  
寸隨年壯又灸兩手大指縫頭七壯

脹滿水腫灸脾膈隨年壯三報

水腫人中盡滿唇反死水溝主之

水腫大臍平灸臍中腹無紋理者不治

水脹水氣行皮中陰交主之

水腹大及水脹水氣行皮中石門主之

石水痛引脇下脹頭眩痛身盡熱關元主之

石水刺氣街

石小章門及然谷主之

水天泉主之

腹中氣盛腹脹逆不得臥陰陵泉主之

水腫留飲胸脇支滿刺陷谷出血立已

水腫脹皮腫三里主之

風水膝腫巨虛上廉主之

面腫腫上星主之先取譙請後取天牖風池

風水面附腫衝陽主之

風水面附腫顏黑解谿主之

治嘔吐灸法

主之穴在下腕下一寸神闕上一寸任脉氣所發甄權  
云日灸七壯至四百壯止水通身腫灸足第二指上一  
寸隨年壯又灸兩手大指縫頭七壯

脹滿水腫灸脾膺隨年壯三報

水腫人中盡滿唇反死水溝主之

水腫大臍平灸臍中腹無紋理者不治

水脹水氣行皮中陰交主之

水腹大及水脹水氣行皮中石門主之

石水痛引脇下脹頭眩痛身盡熱關元主之

石水刺氣街

石水章門及然谷主之

水天泉主之

腹中氣盛腹脹逆不得臥陰陵泉主之

水腫留飲胸脇支滿刺陷谷出血立已

水腫脹皮腫三里主之

風水膝腫巨虛上廉主之

面腫腫上星主之先取譙請後取天牖風池

風水面腫衝陽主之

風水面腫顏黑解谿主之

治嘔吐灸法

神藏二穴治嘔吐不止甲乙經云穴在或中下一寸六分陷者中足少陰脉氣所發仰而取之各灸五壯炷用竹筍爲之

嘔吐氣逆不得下食灸心膻百壯

吐嘔氣逆不得下食今日食明日吐者灸膈膻百壯

吐逆不得下食灸胸堂百壯

又灸巨關五十壯

又灸胃脘百壯三報

吐逆飲食却出灸脾募百壯三報

章門穴也

吐嘔宿汁吞酸灸神光一名膽募百壯三報

甲乙也在日月膽募

經云期門下伍分

吐逆霍亂吐血灸手心主五十壯

反胃食卽吐世上氣灸兩乳下各一寸

又灸臍上一寸二十壯

又灸內踝下三指稍斜向前有穴三壯

乾嘔不止粥食湯藥皆吐不停灸手間使三十壯若四肢厥脉沉絕不至者灸之便通此起死人法

又灸心主尺澤亦佳

### 治噦灸法

少商二穴主噦甲乙經云在手大指內側去爪甲如韭

葉手太陰脉之所出也各灸三壯炷如小麥大

噦噫膈中氣閉塞灸腋下聚毛下附肋宛宛中五十壯

噦噫嘔逆灸石關百壯

噦灸承漿七壯炷如麥大

又灸臍下四指七壯

嘔啞灸心主各七壯在掌腕上約中吐不止更灸如前

數

嘔噦而手足逆冷者灸三陰交各七壯在足內踝直上

三寸廉骨際未差更灸如前數

治水飲不消灸刺法

溢飲腸下堅痛中腕主之

腰清脊強四肢解惰善怒欬少氣鬱鬱然不得息厥逆

肩不可舉馬刀強身暈章門主之

溢飲水道不通溺黃少腹痛裏急腫洞泄體痛京門主

之豐云朝痛引背

飲渴身體痛多唾隱自主之

寒中傷飽食飲不化五藏臙脹心腹胸脇支滿厥虛則

生百病上腕主之

腹脹腸鳴氣上衝胸不能久立腹中痛濯濯冬日重感

於寒則泄當臍而痛腸胃間遊氣切痛食不化不嗜食

身腫

一作重

俠臍急天樞主之

### 治骨蒸灸法

#### 取穴法

先二穴令患人平身正立取一細繩

令展之勿順脚底直

踏之

男左女右

其繩前頭與大拇指端齊後頭常脚跟中心

向後引繩循脚肘直上至曲秋中大橫紋截斷又令患

人解髮分兩邊令見頭縫自顙門平分至腦後乃平身

正坐取向所截繩一頭令與鼻端齊引繩向上正循頭

縫至腦後垂下循脊骨引繩頭向上至繩盡處當脊骨

以墨點記之

墨點不  
是灸處

又取一繩子令患人合口將繩子

按於口上兩頭至兩吻却鈎起繩子中心至鼻柱根下

令如△此便齊兩吻截斷將此繩展令直於前來脊骨

上墨點處橫量取平勿令高下

繩子先中摺當中心以  
墨記之却展開繩子橫

量以繩上墨點正壓脊骨上墨  
點爲正兩頭取平勿令高下於繩子兩頭以朱點記

朱點是  
灸穴

#### 以上是第二次點二穴

次二穴令其人平身正坐稍縮膊取一繩遠項向前雙

垂與鳩尾齊

鳩尾是心岐骨人脊無心岐骨者可從  
胸前兩岐骨下量取食寸即是鳩尾即

雙截斷却背翻繩頭向項後以繩子中停取心令正當

喉嚨結骨上其繩兩頭夾項雙垂循脊骨至下至兩繩

頭盡處合作一處當脊骨以墨點記之墨點不又取一處是灸處繩子令其入合口量齊兩吻截斷還於脊骨上墨點處橫量如上法繩子兩頭以朱點記朱點是灸穴

以上第二次點二穴通前共四穴同時灸日別各

灸七壯至三七壯累灸至一百或一百五十壯為妙

候倉欲差又依後法灸二穴

又次二穴以第二次量口吻繩子於第二次雙繩頭盡

處墨點上當脊骨直下直點令繩中停中心在墨點上

於上下繩盡頭以朱點兩穴朱點是灸穴

以上第三次點兩穴謂之四花灸兩穴各灸百壯

三次共六穴各取膏日量度度訖即下火唯須三月

三日艾最佳疾差百日內慎飲食房室安心靜處將

息若百日後覺未差後初穴上再灸之

露白雕處元  
係未引朱點



自大拇指端當脚跟向後量至曲秋大橫紋

三式共六穴各通黃白且其量至曲秋大橫紋二八



自鼻端量向上循頭縫至腦後



循脊骨引繩頭向下至繩盡處當脊骨以墨點記



合口以繩子按於口上鉤起繩子中心至鼻柱下便齊  
兩吻截斷將量口吻繩子展直於前來脊骨上墨點處  
橫量兩頭




以朱點記朱點是灸穴墨點不是灸穴


以上是第一次點二穴




取一繩遠項向前雙垂與鳩尾齊



翻繩頭向項後以繩兩頭夾項雙垂循脊骨向下至兩  
繩頭盡處以墨點記



以繩子令人合口橫量齊兩吻截斷




用量口吻繩子於脊骨墨點上橫量兩頭以朱點定朱點  
不是灸穴墨點

以上是第二次點二穴



以第二次量口吻繩子於第二次雙繩頭盡處墨點直  
 上下直量繩盡頭用朱點記

以上是第三次點二穴



以上是都點了六穴 朱點是灸穴墨點不是灸穴

凡骨蒸之候所起辨驗有二十二種並依上項灸之

一胞蒸小便赤黃 二玉房蒸 男遺尿失精 女月漏不調

三腦蒸頭眩悶熱 四髓蒸覺髓沸熱

五骨蒸齒黑 六筋蒸甲焦

七血蒸髮焦 八脉蒸急緩不調

九肝蒸 或時眼 前昏暗 十心蒸 舌焦或生瘡 或時胸滿

十一脾蒸 唇焦或口瘡 十二肺蒸 口乾 生瘡

十三腎蒸 耳乾 焦 十四膀胱蒸 右耳 焦

十五膽蒸 眼目 失光 十六胃蒸 舌下 痛

十七小腸蒸 眼目 失光 十八大腸蒸 鼻右 孔痛

十九三焦蒸

作熱

二十肉蒸

別人覺熱

二十一皮蒸

皮粟生

二十二氣蒸

偏身躁熱不自安息

用尺寸取穴法

凡孔穴尺寸皆隨人形大小須男左女右量手中指中心一節兩橫紋中心為一寸

艾炷大小法

凡艾炷須令根足三分若不足三分恐覆孔穴不備穴中經脈火氣不行即不能抽邪氣引正氣雖小兒必以中指取穴為準

用火法

黃帝曰松柏柿桑棗榆柳竹等木用火灸必害肌血慎不可用凡取火者宜敲石取火或水精照於日得者太陽火為妙天陰則以槐木取火亦良倉卒之際或用蠟燭或清油點燈或艾梗引火亦得

治傳尸伏連骨蒸痲痺等諸穴

傳尸伏連癘瘰骨蒸痲痺鬼氣惡寒或如瘡狀宜灸大傾上一穴

又灸入傾兩傍近下少許對傾節間各相去一寸五分

二穴

又灸兩肋下二穴名章門

又灸當心脊骨上兩傍各相去一寸二穴以上七穴日  
別灸皆取正午時灸各七壯滿百壯漸差至五百壯病  
除

又骨蒸痲痺灸兩肩井二穴若人面熱帶赤色者灸之  
卽差取穴之法坐以手三指從膊骨罅向項筋上捺之  
中指下卽是也上廉二穴在膝外下三寸是一云三里  
下三寸是下廉二穴在上廉下三寸是

當心脊骨上平立以物柱地當心點記回量脊上點卽  
是穴以上七穴灸之如前法

又骨蒸痲痺命患者於板上平身正立以杖柱板向上  
度當臍點杖記之又回杖量脊中點之又令患人合口  
別以物橫口兩吻當中折之以折處點灸又兩乳一夫  
肋間二穴總六穴灸之並如前法凡量皆取病者男左  
女右無名指中節屈之爲寸又法取男左女右手中指  
以物從指本量至指端仍將此度於脚踏上繫鞋處橫  
紋當脛面上量一度是穴

治傳尸殮殍喜魘夢諸穴

商丘二穴在足內踝下微前陷中灸七壯差乃止厲兌  
二穴在足大指次指之端去爪甲角如韭葉灸一壯大

良

二間二穴在手大指次指本節內側陷中灸三壯以上  
六穴商丘癩多臥厲兌癩嗜臥怠惰章門癩責豚氣脹  
治五勞七傷及山嵐瘴癘背膊煩重心痛注忤氣羸食  
不生肌膚寒熱邪氣頭項強面色黑黃精神昏倦積年  
淋瀝積癰鬼氣傳尸骨蒸等諸穴胃脘二穴在第十二  
僂下兩傍各一寸五分日灸七壯止或至一百壯量病  
輕重加灸又腎腧二穴在第十四僂下兩傍各一寸五  
分灸七七壯病深者日灸七壯至百壯佳又章門二穴  
可灸七壯日灸漸至七七壯同前法又太衝二穴在足  
大指間一寸本節後二寸陷中灸五壯漸加日灸如前

法凡膏肓二穴令病人坐曲背伸兩臂著膝令直手大  
指與膝齊以物楮肘勿令臂動從膊骨上角摩捺至膊  
骨下頭其間當有四肋三間灸中間依轉膊骨之裏去  
膊骨容側指許摩脊肉之表肋間灸處捺之自覺牽引  
胸肩中灸兩膊骨肉各一處五百壯多至千壯氣下如  
水若無停痰宿水必有所下也此灸法無所不治若病  
困卽令側臥挽臂令前取穴或正坐伸臂令人挽之使  
兩臂骨相遠不爾膊骨覆穴卽難取也其穴近五僂相  
望求之又肝膈二穴在第六僂下兩傍各一寸五分日  
灸七壯病深者至百壯佳又神堂穴在第五僂下兩傍

各三寸陷中正坐取穴灸七壯至七七壯如前法以上七名總十四穴若不能徧灸當取緊者灸之其緊者即膏肓胃膈章門腎膈太衝是也若能依次第灸之各滿百壯尤善凡量穴法不拘肥瘦長短取病人男左女右手中指度兩橫紋為寸是為同身寸也凡灸皆取正午時佳若旦起空腹灸即傷人氣又令人血虛若日晚食後灸即病氣難去若治卒病風氣即不在此例

治目疾灸刺法

目中痛不能視上星主之先取譙請後取天牖風池青盲遠視不明承光主之

目瞑遠視眇眇目窻主之

目眇眇赤痛天柱主之

目眩無所見偏頭痛引目外眥而急領厭主之

目遠視不明惡風目淚出憎寒頭痛目眩膈內眥赤痛

遠視眇眇無所見皆痒痛淫膚白翳精明主之

青盲無所見遠視眇眇目中淫膚白膜覆瞳子巨膠主

之

目不明淚出目眩膈瞳子痒遠視眇眇昏夜無見目瞶動與項口參相引喎僻口不能言刺承泣

目痛僻戾目不明四白主之

目赤目黃顴膠主之

明目水溝主之

目痛不明斷交主之

目瞋身汗出承漿主之

青盲睢目惡風寒上關主之

青盲商陽主之

睢目眈眈偏歷主之

眼痛下廉主之

睢目眈眈少氣灸五里右取左左取右

目中白翳前谷主之

目痛泣出甚者如脫前谷主之

白膜覆珠子無所見解谿主之

眼暗灸大傾下數節第十當脊中安灸二百壯惟多爲  
佳

肝勞邪氣眼赤灸當容百壯兩邊各兩穴在眼小眥近  
後當耳前三陽三陰之會處以兩手按之有上下橫脉  
與耳門相對是也眼急痛不可遠視灸當墮子上入髮  
際一寸隨年壯穴名當陽

風翳患右目灸右手中指本節頭骨上五壯如小麥大  
左手亦如之

肝虛目不明灸肝膈二百壯小兒斟酌可灸一二七壯  
風痒赤痛灸人中近鼻柱二壯仰臥灸之

目卒生翳灸大指節橫紋三壯在左灸右在右灸左良  
絲竹空前頂主目上插憎風寒

承泣主目睵動與項口相引

目不明淚出目眩瞽瞳子  
痒遠視眩瞽昏夜無見口

能言  
喝僻不

三間前谷主目急痛

太衝主下眥痛

陽谷太衝崑崙主目急痛赤腫

曲泉主目赤腫痛

束骨主眥爛赤

陽谿主目痛赤

商陽巨膠上關承光瞳子膠絡却主青盲無所見

觀膠內關主目赤黃

腋門主目澁暴變

期門主目青而嘔

二間主目眥傷

治耳疾灸刺法

聽會二穴在耳前陷中張口得之動脈應手各灸五壯  
主耳聾無所聞甲乙經云手少陽脈氣所發也

下關三穴主聾耳甲乙經云在客主人下耳前動脈下  
空下兼合口有穴張口而閉足陽明少陽之會各灸三  
壯炷以小筋頭爲之

耳鳴百會及頷厭顙顙天窻太陵偏歷前谷後谿主之

耳痛聾鳴上關主之刺不可深

耳聾鳴下關及陽谿關衝腋門陽谷主之

耳鳴聾頭領痛耳門主之

聾耳中顛颼顛颼者若風聽會主之

耳聾無聞天窻主之

耳聾聾聾無所聞天容主之

耳中生風耳鳴耳聾時不聞商陽主之

耳聾兩顙顙痛中渚主之

耳焯焯焯焯無所聞外關主之

卒氣聾四瀆主之

作泥餅子厚半分覆耳上四邊勿令泄氣以筋刺泥餅  
作一小孔以艾灸之百壯候耳中痛不可忍卽側耳傾  
却黃水出盡卽差若泥乾數易之治耳病

又截箭箬二寸內耳中以麩攪四畔勿令泄氣灸箬筒

上七壯

又擗鼓作餅填耳內以地黃長五六分削一頭令尖內

耳中與鼓餅底齊餅上著楸葉蓋之剜一孔如筋頭透餅於上灸三壯

治鼻疾灸刺法

凡口鼻出血不止名腦衄灸上星五十壯入髮際一寸是

涕出不止灸鼻兩孔與柱齊七壯

鼻中息肉灸上星二百壯穴在直鼻入髮際一寸

又灸俠上星兩傍相去三寸各一百壯

鼻衄而痒灸足大指節橫理三毛中十壯劇者百壯衄不止灸之并治陰卵腫

又灸風府一穴四壯不止再灸

又灸涌泉三穴各百壯

衄而不衄血流取足太陽大衄衄取手太陽不已刺腕骨下不已刺膈中出血

鼻衄衄上星主之先取譙諱後取天牖風池

鼻管疽發爲厲鼻腦空主之

鼻衄不利窒洞氣寒喘僻多洩衄衄有癰迎香主之

衄衄洩出中有垂癰宿肉窒洞不通不知香殞素膠主之

鼻衄窒口僻清洩出不可止衄有癰禾膠主之

鼻鼽不得息不收涕不知香嗅及衄不止水溝主之  
鼻中息肉不利鼻頭額額中痛鼻中蝕瘡斷交主之

治口齒灸刺法

勞宮穴一名五里在掌中動脈灸三壯主口中腥穢甲  
乙經云手心主脈之所流也

齒痛不惡清飲取足陽明惡清飲取手陽明舌緩涎下  
煩悶取足少陰

重舌刺舌柱以銚鍼

上齒齲腫目窻主之

上齒齲痛惡寒正營主之

齒疼灸外踝上高骨前交脈上七壯

風牙疼逐左右以繩量手中指頭至掌後第一橫文折

爲肆分以度橫文後當臂兩筋間當度頭灸三壯隨左

右灸之兩相患灸兩臂全驗頰車顫窵主口僻痛惡風

寒不可以嚼水溝主脣吻不收瘡不能言

口噤不開

重舌灸行間隨年壯穴在足大指岐中二穴

小兒重舌灸在足踝上七壯

又灸兩足外踝上三壯

緊脣灸虎口男左女右七壯

又灸承漿三壯

牙齒疼灸兩手中指背第一節前有陷處七壯下火立愈

小腸輸主口舌乾食飲不下

耳門主唇吻強上齒齲痛

口僻刺大淵引而下之

口中腥穢勞宮主之

口中下齒痛惡寒頤腫商陽主之

齒齲痛惡清三間主之

口僻偏歷主之

口齒痛溫留主之

下齒齲則上齒痛掖門主之

齒痛四瀆主之

上牙齒齲痛陽谷主之

一作陽谿

齒齲痛合谷主之

齒齲痛少海主之

舌縱涎下煩悶陰谷主之

喉腫胸脇支滿灸尺澤百壯

關衝穴在手小指之端去爪甲角如韭葉灸三壯普濟

鍼灸經云主喉痺舌卷口乾

治失欠灸法

完骨二穴在耳後入髮際四分各灸三三壯主失欠甲乙經云足太陽少陽之會也

失欠頰車蹉灸背第五椎一日二七壯滿三日未差灸氣衝二百壯胸前喉下甲骨中是亦名氣堂

通里二穴主數欠甲乙經云手少陰絡在腕後一寸走手太陽各灸五壯炷如半棗核大又灸足內踝上三寸宛宛中或三寸五分百壯三報此三陰交穴也

大德重校聖濟總錄卷第一百九十三

大德重校聖濟總錄卷第一百九十四

鍼灸門

治泄痢灸刺法 治脫肛灸法

治癩疔灸法 治腰痛灸刺法

治虛勞失精灸刺法

治虛勞小便白濁灸法

治諸淋灸法 治遺溺灸法

治小便數灸法 治小便黃赤不利灸刺法

治胞轉灸法 治中惡灸刺法

卒死客忤尸厥附

治鬼魅諸邪病灸刺法

治卒魘寐不寤灸法

治卒中五尸灸法

治癩氣灸法

治凍癰痔瘻灸刺法

治痔疾灸刺法

治癰疽瘡腫灸刺法

治癰灸法

治雜病灸法

治婦人諸疾灸刺法

治小兒諸疾灸刺法

灸刺禁忌論

誤傷禁穴救鍼法

### 治泄痢灸刺法

泄痢不禁食不化小腸疝痛者灸丹田穴在臍下二寸

日灸七壯至百壯止

泄痢食不消不作肌膚灸脾膺隨年壯

泄注五痢大便膿血重下腹痛灸小腸膺百壯泄痢久

下失氣勞冷灸下腰百壯二報穴在八魁正中央脊骨

上灸多益善忌鍼

又灸臍中稍稍二三百壯

又灸關元三百壯十日灸并治冷痢腹痛穴在臍下三寸

久泄痢不差灸足陽明下一寸高骨之上陷中去大指

經錄一百九十四

經錄一百九十四

二

岐三寸隨年壯

又屈竹量正當兩膀脊上點訖下量一寸點兩傍各一寸復下量一寸當脊上合三處一日灸三十壯灸百壯以上一切痢皆斷亦治濕蠶

泄痢不嗜食食不消灸長谷五十壯三報穴在俠臍相去五寸

四肢不可舉動多汗洞痢灸大橫隨年壯膿血痢不止灸幽門二穴在巨闕傍各半寸各灸三壯兼主小腹堅逆

泄痢赤白灸足太陰五十壯三報

小腸泄痢膿血灸魂舍百壯小兒減之穴在俠臍兩邊相去各一寸

腸中有寒泄注腸澼便血會陽主之使膿血寒中食不化腹中痛腹哀主之

### 治脫肛灸法

脫肛灸龜尾在脊盡端窮骨七壯中極穴下一寸毛際陷者動應手

寒冷脫肛灸臍中隨年壯

脫肛歷年不愈灸橫骨百壯

### 治癩疝灸法

一切癩當騎確軸以莖伸置軸上齊陰莖頭前灸軸木  
上隨年壯

陰卵大癩病灸大敦隨年壯穴在足大指三毛中

又灸足大姆指內側去端一寸赤白肉際隨年壯雙灸  
之

又灸橫骨兩邊二七壯俠莖是

陰癩灸足大指下理中十壯隨腫邊灸之肘後方云灸足大指第二

節下橫紋正中央五壯姚氏云足大指本三壯

陰卵偏大癩病灸泉陰百壯三報在橫骨邊陰卒腫者  
令並足合兩姆指以一艾九灸兩爪端方角處每爪角

各半九七壯愈

陰卵大癩病灸足太陽五十壯三報之

又灸足太陰五十壯在內踝上一夫

卵偏大上入腹灸三陰交在內踝上三寸隨年壯

卵偏大癩灸肩井隨年壯穴在肩解臂接處

又灸手季指端七壯病在右可灸左左者灸右卵偏大

癩病灸關元百壯

卵偏大癩病灸玉泉百壯報之穴在屈骨下

治腰痛灸刺法

腰痛之病皆本於腎蓋腎病者俞在腰脊也諸經各有

腰痛不同當隨證治之凡腰痛引項脊尻背如重狀者病在足太陽脉也刺其郄中正經出血春無見血委中穴也

腰痛加以鍼刺其皮不可俛仰不可以顧者刺少陽成骨之端出血夏無見血成骨在膝外廉之骨獨起者腰痛不可以顧

顧如有見善悲者病在陽明也刺陽明於筋前三痞上下和之出血秋無見血三里穴也腰痛引脊內廉者屬少陰

刺內踝上二痞春無見血出血太多則不可復復溜穴也腰痛屢中如張弓弩弦者屬厥陰刺臑踵魚腹之外循之

累累然乃刺之蠡溝穴也腰痛引肩目眩眩然時遺洩者病在解脉刺膝筋肉分間却之外廉出血血變而止亦太

郄也腰痛如引帶常如折腰狀善恐者亦解脉病也刺却

中結絡如黍粟刺之血射以黑見赤血而止委中穴也腰痛

如以小錘居其中佛然腫者病在同陰之脉刺絕骨之端為三痞陽輔穴也腰痛痛上佛然腫者屬陽維之脉刺臑

下去地一尺所承山穴也腰痛不可以俛仰則恐仆得之

舉重傷腰衝絡絕血歸之刺却陽筋之間上却數寸衝居為二痞委陽穴也腰痛痛上漯漯然汗出汗乾令人欲飲

飲已欲走者屬會陰之脉刺躡上却下五寸橫居視其盛者出血承筋穴也腰痛痛上佛佛然甚則悲以恐者病屬

飛陽之脉也刺內踝上五寸少陰之前與陰維之會溜

及築腰痛痛引膺目眈眈然甚則反折舌不能言者病

在昌陽之脉刺內踝上大筋前太陰後上踝二寸所交信

也腰痛而熱熱甚生煩腰下如有橫木居其中甚則遺

洩者病在散脉刺膝前骨肉分間絡外廉束脉為三疝

穴也地機腰痛不可以欬欬則筋縮急者病在肉里之脉刺

太陽外少陽絕骨之後為二疝分肉腰痛俠脊而痛至

頭八八然目眈眈欲僵仆刺郄中出血腰痛上寒刺足

太陽陽明上熱刺足厥陰中熱而喘刺足少陰刺郄中

出血腰痛上寒不可顧刺足陽明大便難刺足少陰少

腹滿刺足厥陰如折不可以俛仰不可舉刺足太陽痛

引少腹控眇不可以仰刺腰尻交者兩髀腫上以月死  
生為瘡數發鍼立已左取右右取左此治腰痛之法也  
衆穴之外又有遺法者附之于後

腰痛不已者灸環膪二穴在第一十一頰下兩傍各一  
寸半足太陽脉氣所發伏而取之各灸七壯炷如半棗  
核大

腎腰痛不可俛仰陰陵泉主之

腰痛少腹痛陰包主之

腰痛大便難湧泉主之

腰痛不得反側章門主之

腰痛控辜少腹及股卒俛不得仰刺氣街  
腰痛不已灸腰目窞七壯在尻上約左右是  
腰卒痛灸窮骨上一寸七壯左右一寸各七壯  
腰痛灸腳跟上橫紋中白肉際十壯  
又灸足巨陽七壯巨陽在外踝下

治虛勞失精灸法

虛勞尿精灸第七傾兩傍各三十壯  
又灸第十傾兩傍各三十壯  
又灸第十九傾兩傍各二十壯  
又灸陽陵泉陰陵泉各隨年壯

又灸三陰交二七壯在內踝上三寸  
虛勞陰中疼痛溺血泄精灸列缺五十壯  
又灸橫骨五十壯又云治五藏虛竭  
又灸大赫三十壯穴在屈骨端三寸

失精膝脛冷疼灸曲泉百壯穴在膝內屈文頭  
虛勞失精陰縮灸中封五十壯

顏色焦枯勞氣失精肩臂痛不得上頭灸肩髃百壯穴  
在肩外頭近後以手按之有解宛宛中失精筋攣陰縮  
入腹相引痛灸下滿各五十壯老人加之小兒隨年壯  
又云此二穴喉腫厥逆五藏所苦鼓脹並主之

治虛勞小便白濁灸法

虛勞腰脊冷疼溺多白濁灸脾募百壯

又灸三焦膈白壯

又灸章門百壯

虛勞小便濁難灸腎膈百壯

治諸淋灸法

關元一穴臍下三寸主諸淋甲乙經云小腸募也一名

次門是三陰任脉之會灸三壯炷如半棗核大

淋病不得小便陰上痛灸足太衝五十壯

又灸足太陽五十壯

血淋灸丹田隨年壯又灸復溜五十壯一云隨年壯

五淋不得小便灸垂泉十四壯穴在內踝前一寸斜行

小脉上是中封之別名

又灸大敦三十壯

卒淋灸外踝尖七壯

氣淋灸俠玉泉相去一寸半三十壯

又臍中著鹽灸三壯良

石淋臍下三十六種病不得小便灸氣門三十壯

石淋小便不得灸水泉三十壯足大敦是也

勞淋灸足太陰百壯在內踝上三寸三報之

治遺溺灸法

灸遺道俠玉泉五寸隨年壯

又灸陽陵泉隨年壯

又灸足陽明隨年壯

又灸陰陵泉隨年壯

小便失禁灸大敦七壯又灸行間七壯

尿淋垂兩手兩髀上盡指頭上有陷處灸七壯又灸臍

下橫紋七壯

小便餘瀝灸復溜二穴黃帝鍼經云主小便餘瀝在內

踝上二寸是穴各灸一七壯次灸臍下中極下屈骨穴

七壯

治小便數灸法

腹中滿小便數灸玉泉下一寸名尿管一名屈骨端灸

二七壯小兒以意減之

小便數而少且難用力輒失精者令其人舒兩手合掌

併兩大指令齊急逼之令兩爪甲相近以一炷灸兩爪

甲本肉際肉際方後自然有角令炷當角中小侵入爪

上此兩指共用一炷也亦灸腳大指與手同法各三炷

而已經三日又灸之

治小便赤黃不利灸刺法

白濁附

小腸實苦心下急熱痺小腸內熱小便亦黃刺手太陽  
治陽手太陽在手小指外側本節陷中

小腹腫痛不得小便邪在三焦約取太陽大絡視其結  
脉與厥陰小絡結而血者腫上及胃腕取三里

小便不利少腹脹滿大小腸踰隨年壯

灸兩足內踝上大脉名三陰交各二十一壯治小便白  
濁

### 治胞轉灸法

關元穴臍下三寸灸一七壯主轉胞不得小便甲乙經  
云足三陰任脉之會

腰痛小便不利苦胞轉灸玉泉七壯

又灸第十五傾五十壯

又灸臍下一寸

又灸臍下四寸各隨年壯

### 治中惡灸刺法

卒死客忤尸厥等附

胃腕穴主中惡甲乙經云一名太倉胃募也在上腕下  
一寸若蔽骨臍中手太陽少陽足陽明所生任脉之會  
宜灸三壯又千金翼治中惡欲死不知人灸足大指橫  
紋隨年壯左右同

卒死中惡灸兩足大指爪甲聚毛甲中七壯此華佗法

又云三七壯

又灸臍中百壯

卒死而張目及舌者灸手足兩爪後十四壯

卒死而四肢不收失便者灸心下一寸臍上三寸臍下

四寸各一百壯

卒客忤死者灸人中三壯一名鬼客廳又治尸厥一云

壯

又橫度口中折之令上頭著心下灸下頭五壯

又鍼間使各百餘息

又灸十指爪下各三壯餘治同上方

備急方云治卒死而張目者

者

又灸肩井百壯

又灸間使七壯

又灸巨闕百壯

尸厥者灸厲兌二穴甲乙經云穴在足大指次指之端

去爪甲角如韭葉足陽明脉所出也各灸三壯炷如小

麥大

又灸陰囊下去下部一寸百壯若婦人灸兩乳中間又

云爪刺人中良

又鍼人中至齒立起

又以繩圍其臂腕男左女右繩從大頤上度下行脊上  
灸繩頭五十壯此是扁鵲秘法

又鍼百會當鼻中入髮際五寸鍼入三分補之

又鍼足大指甲下肉側去甲三分

又灸臚中二七壯

卒中惡飛尸遁注胸脇滿旁庭主之在腋下四肋間高  
下與乳相當乳後二寸陷中俗名注市舉腋取之刺人  
五分灸五十壯惡風邪氣遁尸內有瘀血宜取九曲中  
府在旁庭注市下三寸刺入五分灸三十壯

治鬼魅諸邪病灸刺法

上星穴直鼻入髮際一寸灸五壯普濟鍼灸法云主鬼  
魅驚恐哭泣又脣表中央弦弦者中灸三壯主邪鬼妄  
語

卒中邪魅恍惚振噤灸鼻下人中及兩手足大指爪甲  
本令艾丸半在爪上半在肉上各七壯不止十四壯炷  
如雀屎大

鬼魅灸入髮一寸百壯又灸間使手心各五十壯狐魅  
合手大指縛指灸合間三七壯當狐鳴卽差

灸卒中鬼擊人中一壯立愈不差更灸又灸臍上一寸  
七壯及兩踵白肉際取差又灸臍下一寸三壯

旁庭二穴甲乙經云穴在脇堂下二骨間陷者中舉腋取之各灸三壯主卒暴中飛尸遁尸胸脇支滿時上搶心嘔吐喘逆咽乾脇痛

治卒魘寐不寤灸法

又灸胃脘一七壯

又灸兩足大指叢毛中各二七壯

肘後方云華佗法又救卒死中惡

治卒中五尸灸法

灸乳後三寸十四壯男左女右不止更加壯數

又灸心下三寸六十壯

又灸乳下一寸隨病左右多其壯數卽差

又以四指夫其痛處灸指下際數壯令人痛爪其鼻人中又爪其心下一寸多其壯取差卒注忤攻心胸灸第七顛隨年壯

又灸心下一寸三壯

又灸手肘緣隨年壯

一切食注灸手小指頭隨年壯男左女右五毒注不能飲食百病灸心下三寸胃脘十壯水注口中湧水經云肺來乘腎食後吐水灸肺膻又灸三陰交又灸期門期門在乳下二肋間寫肺補腎也各隨年壯

一切注無新久先仰臥灸兩乳邊斜下三寸第三肋間

隨年壯可至三百壯又治諸氣神良一名注市

扁鵲曰百邪所病者鍼有三穴凡鍼之體先從鬼宮

起次鍼鬼信便至鬼壘又至鬼心未必須併鍼止五六

穴即可知矣若是邪蠱之精便自言說審得其實不必

盡穴求去與之男從左起鍼女從右起鍼若數處不言

便徧穴鍼仍須依掌訣捨日治之萬不失一黃帝掌訣

別是術家秘要其目在人兩手中十指節間已見符禁

門中第一鍼人中鬼宮從左邊下鍼右邊出第二鍼手

大指爪甲下名鬼信入肉三分第三鍼足大指爪甲下

名鬼壘入肉二分第四鍼掌後橫紋名鬼心入半寸太

淵穴第五鍼外踝下白肉際足太陽名鬼路火鍼七銜

銜三下即神脈第六鍼大頤上入髮際一寸名鬼枕火

鍼七銜銜三下第七鍼耳前髮際宛宛中耳垂下五分

名鬼牀火鍼七銜銜三下第八鍼承漿名鬼市從左出

右第九鍼手橫紋上三寸兩筋間名鬼路即勞宮穴也第十

鍼直鼻上入髮際一寸名鬼堂火鍼七銜銜三下即上

也第十一鍼陰下縫灸三壯女人即玉頭名鬼藏第十

二鍼尺澤橫紋外頭接白肉際名鬼臣火鍼七銜銜三

下此即曲池第十三鍼舌頭一寸當舌中下縫刺貫出

舌上名鬼封仍以一板板橫口吻安鍼頭合舌不得動

雜錄一百八十四

已前若是手足皆相對鍼兩穴若是孤穴即單鍼之

治瘦氣灸法

瘦惡氣灸天府五十壯

瘦勞氣灸衝陽隨年壯

瘦灸天瞿三百壯橫三間寸灸之

瘦氣面腫灸通天五十壯

瘦上氣胸滿灸雲門五十壯

瘦灸中封隨年壯在兩足趺上曲尺宛宛中

諸瘦灸肩髃左右相對宛宛處男左十八壯右十七壯

女右十八壯左十七壯或再三取差止

治乳石發動因服冷藥太過致心膈痞滿腹內疼痛不思飲食日漸羸瘦枳實湯方

枳實麩炒

赤芍藥

青橘皮湯浸去白焙

當歸切炒

大腹皮各參分

前胡去蘆頭

白木兩半

右七味麩搗篩每服五錢匕水一盞生薑一棗大拍碎棗二枚擘煎至八分去滓溫服不拘時

治乳石發動心膈痞滿喘息微促腹脇妨悶疼痛大腹

湯方

大腹皮壹兩 木香

枳殼去麩

總錄一百八十四

十五

赤芍藥

甘草炙制各半兩

前胡去蘆

陳橘皮

湯浸去白

赤茯苓

去黑皮各參分

右八味搗篩每服三錢匕水一盞生薑一棗大拍碎煎至七分去滓溫服不拘時

治乳石發動心膈痞滿腹內妨痛不思飲食桔梗湯方

桔梗炒

枳實炒

白朮各貳兩

梔子人壹

甘草炙到半兩

右五味搗篩每服五錢匕水一盞半生薑一棗大拍碎煎至八分去滓溫服不拘時

乳石發心腹脹滿

寒熱痠痛四肢不舉腋下腫瘦馬刀喉痺體膝脛骨搖痠痺不仁陽輔主之

胸中滿腋下腫馬刀瘦善自齧舌頰天膈中腫寒熱胸脇腰膝外廉痛臨泣主之

寒熱頸領腫後谿主之

諸瘻灸鳩尾骨下宛宛中七十壯

九瘻灸肩井二百壯

諸瘻灸瘻周四畔差

諸惡瘻中冷息肉灸足內踝上各三壯二年者六壯

治痔疾灸刺法

久冷五痔便血灸脊中百壯

五痔痛攢竹主之

五痔痛不得大小便會陰主之

五痔使血失屎灸回氣百壯穴在脊窮骨上

五痔骨蝕商丘主之

痔腫痛飛陽承筋及委中承扶主之

諸痔宜灸廻氣三七壯黃帝鍼經云穴在尾脆骨上一寸半又連崗穴主之在廻氣穴兩邊相去三寸是也各

灸三七壯

### 治癰疽瘡腫灸刺法

凡發背多於背兩胛間起初如粟米或痛或痒仍作赤色日漸長大不過十日遂至於死善養生者小覺背上痒痛急取淨土以水和作餅子厚二分闊一寸半以蠟艾作炷連餅子貼着瘡上灸之一炷一易若粟米大時可灸七餅如榆莢大可灸七七餅如錢大可日夜灸之不限餅數仍服五香連翹湯及鐵漿等攻之凡癰疽始發或小或大或如米粒此皆微候急須攻之若無醫藥處卽灸當頭百壯一方云七八百壯其大重者灸四面及中央二三百壯亦宜當頭以火鍼鍼入四分

分

凡疽卒著五指筋急不得屈伸者灸踝骨中央數十壯或至百壯

發背癰腫已潰未潰用香豉三升以水和搗作餅子厚三分有孔勿覆之布政餅以艾列其上灸之取溫熱勿令破肉如熱痛急易之一日兩度灸如有瘡以瘡孔中汁出爲度腋癰大熱刺足少陽五刺熱不止刺手心三刺癰疽不得頃時回癰不知所按之不應手乍來乍已刺手太陰傍三疳與纓脉各二

治癰腫者刺癰上視癰小大深淺刺大者多而深之必端內鍼

項腫不可俛仰頰腫引耳後完骨主之

咽腫難言天柱主之

頤腫脣癰顴膠主之

頰腫痛天窻主之

頸項癰腫不能言天容主之

胸下滿痛膺腫乳根主之

馬刀腫癭淵腋章門支溝主之

面腫目癰腫刺陷谷出血立已

癰疽竅陰主之

頭大侵潭一作浸淫間使主之

管疽商丘主之

腸癰灸兩手後肘尖上各一七壯左右同又灸兩足大指岐間各三壯兼主諸癰腫病

腸癰屈兩肘正灸肘頭銳骨各百壯下膿血卽差大人小兒癰腫灸兩足大拇指奇中仍隨病左右

治癰灸法

日中時灸病處影上三姓灸之咒曰癰中蟲毛戎戎若

欲治待日中

又法八月八日日出時令病人正當東向戶長跪平舉兩手持戶兩邊取肩頭小垂際骨解宛宛中灸之兩火

俱下各三壯或七壯十日愈

疣目著艾炷疣目上灸之三壯卽除

治雜病灸法

蠱毒灸足小指尖上三壯富有物出酒上得者酒出飯上得者飯出肉菜上得者肉菜出神驗

江南有射工毒蟲一名短狐一名蜮常在山間水中人行及浴此蟲口中橫骨角弩啣以射人形影則病若見

身中有此瘡急灸之一處一壯百處亦百壯大良

又切葫令薄以搗瘡上灸葫上千壯差

中沙蠱毒已深者鍼挑取蠱子正如疥蟲着爪上見行

動如挑不得便就上灸三四壯則蟲死病除  
蛇螫嚼鹽唾上訖灸三壯復嚼鹽唾灸瘡上

獬犬咬先吮却惡血灸瘡中十壯明日以去乃灸一壯  
滿百日止姚云忌酒

治婦人諸疾灸刺法

婦人血傷帶下赤白灸小腹橫紋當臍直下一百壯又  
灸內踝上三寸左右各一百壯炷如半棗核大

女子下赤白腰膕主之

乳癰寒熱短氣臥不安膺窻主之

乳癰悽索寒熱痛不可按乳根主之

絕子灸臍中令人有子

絕子陰痒陰交主之

腹滿疝積乳婦諸疾絕子陰痒灸石門千金云奔豚上  
腹少腹堅痛下

引陰中不  
得小便

女子絕子衄血在內不下關元主之千金云胞轉不得  
潤少腹滿石水痛

乳婦諸疾絕子內不足者中極主之

女子血不通會陰主之

婦人子藏中有惡血內逆滿痛石關主之

月水不通命氣上下引腰脊痛氣穴主之

女子胞中痛月水不時天樞主之千金云腹脹腸  
鳴氣上衝胸

少腹脹滿痛引陰中月水至則腰背痛胞中瘕子門有寒引臏髀水道主之千金引臏髀作大小便不通

女子陰中寒歸來主之

婦人少腹堅痛月水不通帶脉主之

婦人下赤白裏急瘕瘵五樞主之

婦人陰中痛少腹堅急痛陰陵泉主之

婦人漏下苦血閉不通逆氣脹血海主之

月事不利或下赤白陰寒行間主之

女子疝及少腹腫溇泄遺溺陰痛面塵目下皆痛太衝主之

女子漏血太衝主之

女子不字經血暴下然谷主之

婦人漏血腹脹滿不得息小便黃陰谷主之千金云漏血小腹痛

脹滿如阻體寒熱腹痛腫

婦人月事不調王月則閉男子失精尿有餘瀝刺足少

陰經治陰在足內踝下動脉是也

婦人足逆寒絕產帶下無子陰中寒刺足少陰經治陰

婦人無子絕嗣灸關元七壯穴在臍下三寸甲乙經云

小腸募也一名次門足三陰任脉之會炷如半棗核大

婦人月水不利灸四滿二穴在丹田兩邊相去各一寸

甲乙經云一名髓府在中注下一寸衝脉足少陰之會  
各灸五壯炷如半棗核大兼治婦人無子

治小兒諸疾灸刺法

痲驚脉五鍼手太陰各五刺經太陽五刺手少陰經絡  
者傍一足陽明一上踝五寸刺三鍼

小兒驚痲本神及前頂顙會天柱主之加反視臨泣主  
之加痲瘖脊急強目轉運上插筋縮主之

小兒痲瘖脊強互相引長強主之

小兒食晦諶請主之

痲發目上插攢竹主之

臍風目上插刺絲竹空

小兒痲瘖嘔吐泄注驚恐失精視瞻不明眇瞶瘖脉主  
之

小兒痲喘不得息顙息主之

痲驚如有見者列缺主之并取陽明絡

小兒口中腥臭胸脇支滿勞宮主之

羊痲會宗下空主之

欬而泄不欲食商丘主之

痲瘖手足擾目昏口噤溺黃商丘主之

小兒痲瘖遺清溺虛則病諸瘖癩實則閉瘖少腹中熱

善寐大敦王之

小兒臍風口不開善驚然谷主之

小兒腹滿不能食飲應鍾主之

馬廂金門及僕參主之

風從頭至足癩瘰口閉不得開每大便腹暴滿按之不

下噉一作悲喘崑崙主之

小兒大小便不通灸口兩吻各一壯

小兒癩先將兒至確頭祝之曰坐汝某甲陰囊癩灸汝

三七二十一枚灸訖便牽小兒令雀頭下向著囊縫當

陰頭灸縫上七壯卽消艾炷如蝟簪頭許

灸刺禁忌論

論曰凡用灸刺當先別其所宜有偏宜刺者若天柱素

膠木膠肩貞乳中周榮腹哀中衝陰陵泉條口犢鼻髀

關申脉中門承扶等三十一穴是也有偏宜灸者若絡

却玉枕承靈角孫神道膏肓會陰橫骨背靈淵等一十

六穴是也其他並欲通行灸刺亦有不宜灸刺者皆在

所禁若神庭腦戶顙顙承泣膻中神闕氣衝五里三陽

絡承筋之類皆不可刺腦戶風府瘰門承光素髀攢竹

睛明迎香頭維下關脊中心命白環脰天牖人迎淵腋

少商經渠天府陽池地五會陽關伏兔之類皆不可灸

又有鳩尾雖在可刺更宜精詳之石門雖在可刺在婦女則爲大禁肩髃本不禁灸亦不宜多灸四肢雖亦可灸在法唯宜少灸此數者皆灸刺之先務不可不知也若不當灸而灸不當刺而刺皆有所傷內經所謂刺禁其法曰刺頭中腦戶立死刺面中溜脉不幸爲盲刺客主人內陷及刺目上陷骨中脉爲內漏而聾刺舌下中脉太過血出不止爲瘖刺缺盆中內陷氣泄令人喘欬逆刺乳上中乳房爲腫根食刺膺中陷中脉爲喘逆仰息刺腋下脇間內陷令人欬刺脊間中髓爲偃刺臂太陰脉出血多立死刺肘中內陷氣歸之爲不屈伸刺手

魚腹內陷爲腫刺氣街中脉血不出爲腫鼠鼷刺少腹中膀胱溺出令人少腹滿刺足少陰脉重虛出血爲舌難以言刺陰股中大脉血出不止死刺陰股下三寸內陷令人遺溺刺膝髌出液爲跛刺郄中大脉令人仆脫色刺關節中液出不得屈伸刺臑腸內陷爲腫刺肘上中大脉血出不止死刺足下布絡中脉血不出爲腫刺中五藏皆死又有大禁二十五者卽五甲穴也所謂迎之五里中道而止是也其次無刺大醉令人氣亂無刺大怒令人逆氣故曰大醉無刺已刺無醉大怒無刺已刺無怒以至大勞新飽大飢大渴大驚大恐皆在切禁

若誤犯之各有可救之理具如後云

誤傷禁穴救鍼法

腦後黑門穴不可傷傷卽令人啞宜鍼人中無突二穴可二分

風府一穴在黑門上入髮際一寸五分鍼只可一寸以下過度卽令人啞亦鍼人中無突穴救之

兩腋外敘頭尖處上曲池穴不可傷傷卽令人手臂不舉宜鍼大顛相夾腦骨縫四穴深半寸

驗池上下四穴鍼只可深一米許過深令人血灌黑睛視物不見不可治也

眼小眥後一寸太陽穴不可傷傷卽令人目枯不可治也

兩目大眥二穴只可背睛斜飛不得直鍼直卽傷睛致睛不可治也

顛會一穴只可鍼五分過卽令人頭旋目暗急鍼百會及風府二穴救之

承泣二穴只可鍼三分深卽令人目陷陷卽不治

正營不可傷傷卽令人神魂失次宜鍼大顛兩邊相去三寸後心一穴可入五分

承筋不可傷傷卽令人手脚攣縮凡鍼筋皮須重手按

開而取正穴如傷即治手虎口及手腕上下

膽池不可傷傷即令人目暗乳下腧穴是宜治肝論肺膈不

可傷傷即令人身心顛掉宜鍼後心顛門穴救之

肺募不可傷傷即令人鼻塞不聞香歿白汗透流宜治

顛門及心下一寸深可一寸半

地戶湧泉不可傷傷即令人百神俱散宜治人中百會

三里分白穴

手心不可傷傷即令人闕倒眼直上宜治前後心可五

分又治神庭穴

太腋不可傷傷即令人心氣促宜治肺膈穴陰後神田

不可傷傷即令人精神散亂尿尿不禁

耳後宛處不可傷傷即令人口頰喎斜宜治人中承漿

二穴

水曹不可傷傷即令人尿血不止宜治臍上一寸及百

會

章門不可傷傷即令人氣絕宜治後心顛會癖戶不可

傷傷即令人命絕亦宜治後心顛會神庭不可傷傷即

令人命絕宜治百會至骨胸前諸穴不可傷傷即令人

悶倒宜治人中命室不可傷傷即令人命絕宜治人中

百會承漿

頤下不可傷傷卽令人舌根不轉宜治耳後宛宛處五分過之亦傷也委中不可傷傷卽令人脚攣行履不遂宜治三里分白穴

膽戶不可傷傷卽令人筋搖行履不得宜治氣海分白穴

外踝上一寸不可傷傷卽令人悶絕宜治分白穴

命泉不可傷傷卽令人行不得宜治三里乳首不可傷傷卽令人命絕不可治也

白氣不可傷傷卽令人失音宜治無突

大德重校聖濟總錄卷第一百九十四